



# SLUŽBENE NOVINE OPĆINE ZENICA

GODINA XXXVII  
Broj 4

Četvrtak,  
26.05.2011.godine  
Zenica

ISSN 1840-4588

## VIJEĆE OPĆINE

56.

Na osnovu člana 26. Zakona o prostornom uređenju («Službene novine ZE-DO Kantona», broj 2/04, 2/08) i člana 22 tačka 5. Statuta Općine Zenica («Službene novine Općine Zenica», broj 4/08), Vijeće Općine Zenica na 28. sjednici održanoj 07. aprila 2011. godine, donijelo je

## **ODLUKU**

### **o izmjeni Regulacionog plana „Pišće“**

#### **Član 1.**

Pristupa se izmjeni regulacionog plana „Pišće“ u dijelu područja uz trasu Glavne gradske magistrale, u pojasu od ulice Maršala Tita, duž Sarajevske ulice, do ulice Talića brdo.

#### **Član 2.**

Nosilac priprema predloženih izmjena Regulacionog plana iz člana 1. ove odluke je Služba za prostorno uređenje, a nosilac izrade Kantonalni zavod za urbanizam i prostorno planiranje.

#### **Član 3.**

Sredstva za izradu izmjene Regulacionog plana „Pišće“ obezbjeđuju se iz Budžeta Općine Zenica.

#### **Član 4.**

Ova Odluka stupa na snagu osmog dana od dana objavljivanja u «Službenim novinama Općine Zenica».

Broj: 01-01-8161/11  
Zenica, 07. 04. 2011. god.

PREDSJEDAVALAČI  
VIJEĆA OPĆINE ZENICA  
Nebojša Nikolić, s.r.

57.

Na osnovu člana 22. Statuta općine Zenica («Službene novine Općine Zenica», broj 4/08) i člana 37. Poslovnika Vijeća općine («Službene novine Općine Zenica», broj 2/10), Vijeće Općine Zenica, na 29. sjed-

nici održanoj 12. maja 2011. godine, donosi

## **ODLUKU**

o izmjenama Odluke o načinu i uslovima rješavanja stambenih potreba nosilaca stanarskih prava i članova njihovih porodičnih domaćinstava koji stanuju u ruševnim odnosno neuslovnim objektima

#### **Član 1.**

U članu 2. Odluke o načinu i uslovima rješavanja stambenih potreba nosilaca stanarskih prava i članova njihovih porodičnih domaćinstava koji stanuju u ruševnim odnosno neuslovnim objektima («Sl. novine Općine Zenica i Busovača» broj 3/86 od 31.03.1986) pod rednim brojem 37. briše se «objekat Rudarska br. 33».

#### **Član 2.**

Ova Odluka stupa na snagu danom donošenja i objavit će se u «Službenim novinama Općine Zenica».

Broj: 01-01-11182/11-1  
Zenica, 12. 05. 2011. god.

PREDSJEDAVALAČI  
VIJEĆA OPĆINE ZENICA  
Nebojša Nikolić, s.r.

58.

Na osnovu člana 22., 74. i 79. Statuta općine Zenica («Službene novine Općine Zenica», broj 4/08) i člana 37. Poslovnika Vijeća Općine Zenica («Službene novine Općine Zenica», broj 2/10) Vijeće Općine Zenica na 29. sjednici održanoj 12. maja 2011. godine, donijelo je

## **ODLUKU**

### **o dodjeli mandata za člana savjeta MZ**

#### **Član 1.**

DODJELJUJE SE MANDAT za člana Savjeta u mjesnoj zajednici «Kovanići» Nadžak Edinu kao sljedećem

kandidatu sa liste za izbor savjeta, po broju glasova, a zbog podnošenja ostavke člana Savjeta Halilović Šekiba.

## Član 2.

Ova odluka stupa na snagu danom donošenja i objavit će se u «Službenim novinama općine Zenica».

Broj: 01-01-11213/11  
Zenica, 12. maj 2011. god.

PREDSJEDAVAJUĆI  
VIJEĆA OPĆINE ZENICA  
Nebojša Nikolić, s.r.

## 59.

Na osnovu člana 22. i 116. Statuta Općine Zenica («Službene novine Općine Zenica», broj 4/08) i člana 51. Odluke o građevinskom zemljištu Općine Zenica («Službene novine Općine Zenica», broj 4/07) Vijeće općine Zenica, na prijedlog Uprave za imovinsko-pravne, geodetske poslove i katastar nekretnina, na svojoj 29. sjednici, održanoj dana 12. maja 2011. godine, donijelo je

### RJEŠENJE o pretvaranju dijela javne površine u građevinsko zemljište

Odobrava se pretvaranje javne površine-parcela označenih kao k.č. ( n.p.) 4214/2 zv. M. Tita ulica površine 2 m<sup>2</sup>, upisana u pl. 550 kao DS-Javni putevi K.O. Zenica II, odnosno k.č. s.p. 3/115 zv. M.Tita dvorište površine 2 m<sup>2</sup>, upisana u zk uložak 3386 kao Društvena svojina K.O. Zenica grad i k.č. ( n.p.) 4214/3 zv. M. Tita ulica, površine 8 m<sup>2</sup>, upisana u pl. 550 kao DS-Javni putevi K.O. Zenica II, odnosno k.č. s.p. 3/586 zv. M.Tita dvorište površine 8 m<sup>2</sup> K.O. Zenica grad u građevinsko zemljište površine 10 m<sup>2</sup> i njihovo pripajanje parceli koja pripada već izgrađenom objektu koji se nalazi u ul. Trg Alije Izetbegovića br. 67 u Zenici, izgrađenom na parceli označenoj kao k.č. ( n.p.) 851 K.O. Zenica II kojoj po s.p. odgovara k.č. 3/120 K.O. Zenica grad.

Ovim rješenjem dozvoljava se promjena oblika i površine gradskog građevinskog zemljišta u K.O. Zenica II po n.p., odnosno u K.O. Zenica grad po s.p., a na parcelama označenim u tački 1. dispozitiva ovog rješenja.

Uprava za imovinsko-pravne, geodetske poslove i katastar nekretnina će, nakon stupanja na snagu ovog

rješenja, a na osnovu ovog rješenja i prijavnog lista „B“, u katastarskom operatu provesti utvrđene promjene, tako što će parceli k.č. (n.p.) 851 K.O. Zenica II pripojiti k.č. (n.p.) 4214/2 zv. M. Tita ulica, površine 2 m<sup>2</sup>, upisana u pl. 550 kao DS-Javni putevi K.O. Zenica II i k.č. (n.p.) 4214/3 zv. M. Tita ulica, površine 8 m<sup>2</sup>, upisana u pl. 550 kao DS-Javni putevi K.O. Zenica II.

Zemljišno knjižni ured Općinskog suda u Zenici će, nakon stupanja na snagu ovog rješenja i dostavljanja prijavnog lista «A», provesti promjene tako što će parceli k.č. s.p. 3/120 K.O. Zenica grad pripojiti k.č. s.p. 3/115 zv. M.Tita dvorište, površine 2 m<sup>2</sup>, upisana u zk uložak 3386 kao Društvena svojina K.O. Zenica grad i k.č. s.p. 3/586 zv. M.Tita dvorište, površine 8 m<sup>2</sup> K.O. Zenica grad.

Rješenje stupa na snagu danom donošenja, a objavit će se u «Službenim novinama Općine Zenica».

## O b r a z l o ž e n j e

Uprava za imovinsko-pravne, geodetske poslove i katastar nekretnina dostavila je Vijeću općine Zenica prijedlog za donošenje rješenja o pretvaranju dijela javne površine u građevinsko zemljište na način kako je to utvrđeno dispozitivom ovog rješenja, uz napomenu da je prethodno Služba za prostorno uređenje donijela rješenje o urbanističkoj saglasnosti broj 06-23-4029/10 od 24. 12. 2010. godine kojim je podnosiocu zahtjeva „EKOR KOMERC“ d.o.o. Zenica, prema utvrđenim urbanističko tehničkim uslovima data mogućnost proširenja poslovnog prostora koji se nalazi u objektu na adresi Trg Alije Izetbegovića br. 67 u Zenici, lociranom na parceli označenoj kao k.č. (n.p.) 851 K.O. Zenica II kojoj po s.p. odgovara k.č. 3/120 K.O. Zenica grad i to u ukupnoj površini od 10 m<sup>2</sup>.

Članom 5. Odluke o građevinskom zemljištu propisano je da Odluku o pretvaranju dijela javne površine u građevinsko zemljište, koje se pripaja zemljištu za redovnu upotrebu već izgrađenog objekta, donosi Vijeće Općine, a stavom 2. istog člana propisano je da Ugovor s investitorom zaključuje Načelnik Općine.

S obzirom na to da predmetno proširenje podrazumijeva zauzimanje i dijela javne površine koji je sastavni dio parcele opisane u tački 1. dispozitiva i koja se nalazi neposredno uz objekat u ul. Trg Alije Izetbegovića br. 67 u Zenici, od Vijeća općine, a shodno odredbama člana 51. Odluke o građevinskom zemljištu općine

Zenica zatraženo pretvaranje tog dijela javne površine u građevinsko zemljište i pripajanje istog parceli postojećeg objekta, s tim što je zbog tehničke nemogućnosti provođenja decimalnih površina zemljišta u javnim knjigama predloženo zaokruživanje iste na 10 m<sup>2</sup>.

Radi stvaranja uslova za zaključivanje Ugovora sa podnosiocem zahtjeva za proširenje poslovnog prostora, a polazeći od odredaba člana 49. i 51., Stav 2. Odluke o građevinskom zemljištu Općine Zenica, predloženo je donošenje ovog rješenja.

Cijeneći dostavljeni prijedlog opravdanim i u cijelosti usaglašenim s Odlukom o građevinskom zemljištu odlučeno je kao u izreci ovog rješenja.

Broj: 01-01-11207/11  
Zenica, 12. 05. 2011. god.

PREDSJEDAVAJUĆI  
VIJEĆA OPĆINE ZENICA  
Nebojša Nikolić, s.r.

### NAČELNIK OPĆINE

#### 60.

Na osnovu člana 11. Odluke o zadržavanju prava osnivača Centra za predškolsko vaspitanje i obrazovanje Zenica, («Službene novine Općine Zenica broj 4/96»), i člana 36. Statuta Općine Zenica («Službene novine Općine Zenica», broj 4/08), Načelnik Općine Zenica, d o n o s i

### ZAKLJUČAK

o davanju saglasnosti na Pravila JU Predškolski odgoj i obrazovanje

#### I

Daje se saglasnost na Pravila JU Predškolski odgoj i obrazovanje broj 06-0602-129/1-2011 od 31. 03. 2011. godine koju je Upravni odbor Ustanove donio na sjednici od 31. marta 2011. godine

#### II

Ovaj Zaključak stupa na snagu danom donošenja i objavit će se u «Službenim novinama Općine Zenica».

Broj: 02-38-7663/11  
Zenica, 18. 04. 2011. godine

NAČELNIK OPĆINE  
Husejin Smajlović, s.r.

#### 61.

Na osnovu člana 33. Zakona o budžetima - proračunima u Federaciji Bosne i Hercegovine («Službene novine Federacije BiH», broj 19/06, 76/08, 5/09, 32/09, 51/09, 9/10, 36/10, 45/10) i člana 17. Odluke o izvršavanju Budžeta Općine Zenica za 2011. godinu, («Službene novine Općine Zenica», broj 3/11), a na prijedlog Službe za budžet i finansije i Službe za komunalne poslove i ekologiju, Načelnik Općine Zenica d o n o s i

### ZAKLJUČAK

o prestrukturiranju sredstava Budžeta Općine Zenica za 2011. godinu u Službi za komunalne poslove i ekologiju

#### I

Odobrava se prestrukturiranje sredstava u Budžetu Općine Zenica za 2011. godinu («Službene novine Općine Zenica», broj 3/11) u Službi za komunalne poslove i ekologiju, razdjel 16, budžetska organizacija 01, potrošačka jedinica 0001.

#### II

Prestrukturiranje sredstava u Budžetu Općine Zenica za 2011. godinu u Službi za komunalne poslove i ekologiju vrši se na slijedeći način:

#### Umanjuje se pozicija:

- ekonomski kod 613 300 – 108, Izdaci za komunalne usluge – Zbrinjavanje animalnog otpada za iznos ..... 1 500,00 KM

#### Otvara se nova pozicija:

- ekonomski kod 614 300 - 110A - Tekući transferi neprofitnih organizacija u iznosu ..... 1 500,00 KM

#### III

Za realizaciju ovog Zaključka zadužuje se Služba za budžet i finansije i Služba za komunalne poslove i ekologiju.

#### IV

Ovaj Zaključak stupa na snagu danom donošenja, a objaviće se u «Službenim novinama Općine Zenica».

Broj : 02-14-8000/11  
Zenica, 12. 04. 2011. godine

NAČELNIK OPĆINE  
Husejin Smajlović, s.r.

62.

Na osnovu člana 33. Zakona o budžetima u Federaciji Bosne i Hercegovine («Službene novine Federacije BiH», broj 19/06, 76/08, 5/09, 32/09, 51/09, 09/10, 36/10, 45/10) i člana 17. Odluke o izvršavanju Budžeta Općine Zenica za 2011. godinu («Službene novine Općine Zenica», broj 3/11), a na zahtjev Službe za budžet i finansije i Službe civilne zaštite, Načelnik Općine Zenica, donosi

## Z A K L J U Č A K

**o unutrašnjoj preraspodjeli sredstava iz Budžeta Općine Zenica za 2011. godinu u razdjelu broj 12, budžetska organizacija 01, potrošačka jedinica 0001**

### I

Odobrava se unutrašnja preraspodjela sredstava u Budžetu Općine Zenica za 2011. godinu («Službene novine Općine Zenica», broj 3/11), u razdjelu broj 12, budžetska organizacija 01, potrošačka jedinica 0001.

### II

*Unutrašnja preraspodjela sredstava u Budžetu Općine Zenica za 2011. godinu u razdjelu broj 12, budžetska organizacija 01, potrošačka jedinica 0001, vrši se na slijedeći način:*

#### **UMANJUJE SE POZICIJA:**

*Ekonomski kod 613700-40 - Izdaci za tekuće održavanje, za iznos od 15.000,00 KM*

#### **POVEĆAVA SE POZICIJA:**

*Ekonomski kod 614300-43 - Tekući transferi neprofitnim organizacijama, za iznos od 15.000,00 KM*

### III

Za realizaciju Zaključka zadužuju se Služba za budžet i finansije i Služba civilne zaštite.

### IV

*Ovaj Zaključak stupa na snagu danom donošenja, a objavit će se u „Službenim novinama Općine Zenica“.*

Broj: 02-14-8859/11  
Zenica, 27. 04. 2011. god.

NAČELNIK OPĆINE  
Husejin Smajlović, s.r.

## JP REGIONALNI VODOVOD „PLAVA VODA” D.O.O. TRAVNIK

63.

Na osnovu člana 19. tačka 14 Statuta Javnog preduzeća/poduzeća Regionalni vodovod «Plava voda» d.o.o. Travnik («Službene novine Općine Travnik», broj 14/09 i «Službene novine Općine Zenica», broj 4/2009), Nadzorni odbor JP/P RV «Plava voda» d.o.o. Travnik na sjednici održanoj 28. 03. 2011. godine donosi

## ODLUKU

### Član 1.

Razrješava se VD direktor JP/P Regionalni vodovod «Plava voda» d.o.o. Travnik Nedim Crnkić iz Travnika.

### Član 2.

Za direktora JP/P Regionalni vodovod «Plava voda» d.o.o. Travnik imenuje se Ernad Granić iz Travnika. Mandat direktora JP/P RV Plava voda d.o.o. Travnik traje 4 (četiri) godine.

### Član 3.

Odluka stupa na snagu danom donošenja, a primjenjivat će se od dana potpisivanja Ugovora o pravima, obavezama i plati direktora JP/P Regionalni vodovod «Plava voda» d.o.o. Travnik.

### Član 4.

Ovlašćuje se predsjednik Nadzornog odbora, Bruno Božić, za notarsku obradu ove Odluke.

### Član 5.

Ova Odluka će biti objavljena u «Službenim novinama Općine Travnik» i u «Službenim novinama Općine Zenica».

## Obrazloženje

Na osnovu objavljenog Konkursa i Ispravke konkursa koji je objavljen u dnevnim listovima i «Službenim novinama Federacije BiH», broj 4/11 i 7/11) za izbor i imenovanje Uprave JP RV „Plava



voda» d.o.o. Travnik, NO je na osnovu člana 12. Zakona o JP u Federaciji BiH («Službene novine Federacije BiH», broj 8/05; 22/09) i člana 19. stav 1. alineja 14. Statuta JP RV «Plava voda» d.o.o. Travnik («Službene novine Općine Travnik» broj 14/09), proveo predviđenu proceduru, te je na osnovu prijave i provedenog intervjua odlučio da se sa liste kandidata koji ispunjavaju opšte i posebne uslove javnog konkursa za direktora JP RV «Plava voda» imenuje Ernad Granić, dipl. ing. šumarstva iz Travnika.

#### **POUKA O PRAVNOM LIJEKU:**

Protiv ove Odluke nezadovoljna strana ima pravo prigovora Nadzornom odboru JP RV «Plava voda» d.o.o. Travnik u roku od 8 dana od dana prijema ove Odluke.

Broj: 25/2011  
Travnik, 28. 03. 2011. god.

PREDSJEDNIK NO ODBORA  
JP REGIONALNI VODOVOD  
“PLAVA VODA“ D.O.O.  
TRAVNIK  
**Bruno Božić, dipl. pr., s.r.**

#### **64.**

Na osnovu člana 19. tačka 14 Statuta Javnog preduzeća/poduzeća Regionalni vodovod «Plava voda» d.o.o. Travnik («Službene novine Općine Travnik», broj 14/09 i «Službene novine Općine Zenica», broj 4/2009), Nadzorni odbor JP/P RV «Plava voda» d.o.o. Travnik na sjednici održanoj 28. 03. 2011. godine donosi

### **ODLUKU**

#### **Član 1.**

Nadzorni odbor JP/P Regionalni vodovod «Plava voda» d.o.o. Travnik donosi Odluku da se ne izvrši izbor zamjenika direktora - finansijskog direktora preduzeća/poduzeća, na osnovu Konkursa i Ispravke konkursa koji je objavljen u dnevnim listovima i «Službenim novinama Federacije BiH», broj 4/11 i 7/11).

#### **Član 2.**

Ova Odluka će biti objavljena u «Službenim novinama Općine Travnik» i u «Službenim novinama Općine Zenica».

#### **Objašnjenje**

Na osnovu objavljenog Konkursa i Ispravke konkursa koji je objavljen u dnevnim listovima i u «Službenim novinama Federacije BiH», broj 4/11 i 7/11) za izbor i imenovanje Uprave JP RV «Plava voda» d.o.o. Travnik, NO je na osnovu člana 12. Zakona o JP u Federaciji BiH («Službene novine Federacije BiH», broj 8/05; 22/09) i člana 19. stav 1. alineja 14. Statuta JP RV «Plava voda» d.o.o. Travnik («Službene novine Općine Travnik» broj 14/09), proveo predviđenu proceduru, te je na osnovu prijave i provedenog intervjua odlučio da se ne izvrši izbor za zamjenika direktora - finansijskog direktora JP/P «Plava voda» d.o.o. Travnik.

#### **POUKA O PRAVNOM LIJEKU:**

Protiv ove Odluke nezadovoljna strana ima pravo prigovora Nadzornom odboru JP RV «Plava voda» d.o.o. Travnik u roku od 8 dana od dana prijema ove Odluke.

Broj: 26/2011  
Travnik, 28. 03. 2011. god.

PREDSJEDNIK NO ODBORA  
JP REGIONALNI VODOVOD  
“PLAVA VODA“ D.O.O.  
TRAVNIK  
**Bruno Božić, dipl. pr., s.r.**





# SADRŽAJ

## VIJEĆE OPĆINE

56. ODLUKA o izmjeni Regulacionog plana "Pišće" .....	1
57. ODLUKA o izmjenama Odluke o načinu i uslovima rješavanja stambenih potreba nosilaca stanarskih prava i članova njihovih porodičnih domaćinstava koji stanuju u ruševnim, odnosno neuslovnim objektima .....	1
58. ODLUKA o dodjeli mandata za člana savjeta MZ .....	1
59. RJEŠENJE o pretvaranju dijela javne površine u građevinsko zemljište .....	2

## NAČELNIK OPĆINE

60. ZAKLJUČAK o davanju saglasnosti na Pravila JU Predškolski odgoj i obrazovanje .....	3
61. ZAKLJUČAK o prestrukturiranju sredstava Budžeta Općine Zenica za 2011. godinu u Službi za komunalne poslove i ekologiju .....	3
62. ZAKLJUČAK o unutrašnjoj preraspodjeli sredstava iz Budžeta Općine Zenica za 2011. godinu u razdjelu broj 12, budžetska organizacija 01, potrošačka jedinica 0001 .....	4

## JP REGIONALNI VODOVOD "PLAVA VODA" d.o.o. Travnik

63. ODLUKA .....	4
64. ODLUKA .....	5